



## Fond "Gazi Husrev-beg"

### IZVJEŠTAJ O AKCIJI

#### „DA SE NADA NE UGASI - STIPENDIJA ZA UČENIKE I STUDENTE U BIH I SANDŽAKU“

#### ZA 2014.g.

Ove godine do 15.06.2014.g. na našu adresu je pristiglo 247 molbi od strane učenika i studenata (106 od učenika i 141 od studenata). Učešće od strane džemata je polovično i to je do sada uobičajena praksa naših džemata kada su u pitanju akcije ove vrste koje vodi humanitarni fond "Gazi Husrev-beg". Ove godine, u predviđenom roku, 30 džemata prijavilo je svoje učešće u ovoj akciji. Prema dosadašnjoj prijavi džemata i pojedinačnim uplatama džematlija obezbijedeno je 150 stipendija. Ovdje su uračunate i one stipendije koje su već uručene od strane stipenditora ili džemata nekim stipendistima. Ove godine –k ao i prethodne - najveća pojedinačna uplata preko džemata je izvršena od strane g. Hodžić Omera i njegove supruge gđe. Fikrete Hodžić (5.500,-€) iz džemata Mannheim.

Rezultati akcije od 2001. do 2014.g. (sa trinaestogodišnjem učešćem džemata IZBNJ):

Godina	Molbe	Učešće Džemata	Sakupljeno	Uručeno
2001	-	Fond GHB	-	14,00
2002	180	26	81,50	105,00
2003	183	25	78,50	103,00
2004	209	32	104,50	125,00
2005	372	35	113,00	132,00
2006	316	34	110,00	137,00
2007	-	Humanitarni skupovi	20,00	20,00
2007	457	40	146,50	165,00
2008	531	33	141,50	158,00
2009	403	26	126,00	127,00
2010	303	25	101,00	100,00
2011	300	34	128,00	128,00
2012	298	33	149,50	149,50
2013	460	38	155,00	155,00
2014	247	30	150,00	150,00
<b>Ukupno</b>	<b>4.259</b>		<b>1.605,00</b>	<b>1.768,50</b>

Nakon trinaestogodišnje akcije džemata IZBNJ "Da se nada ne ugasi – Stipendija za učenike i studente u BiH i Sandžaku", raduje nas kontinuirani uspjeh ove akcije. Akcija stoga predstavlja jednu od svijetlih tačaka u radu IZBNJ.

Kada je u pitanju učešće džemata u samoj akciji, ono je svih ovih godina polovično. Što svjedoči da je moguće postići znatno veći uspjeh u samoj akciji za dobrobit naše omladine u domovini koja ne raspolaže uslovima da se školuje. Nadamo se da će i ostali džemati prepoznati veliki hajr ove akcije i već naredne godine dati svoj doprinos.

Do sada je obrađeno i arhivirano/dokumentirano 4.259 molbi, podjeljeno 1.768,50 stipendija (ubrajajući i 2014. godinu) po 500 €, što odgovara sumi-cifri od 884.250,-- € (ca. 1.768.500,- KM).

Napominje se da su ponekad dodjeljivane stipendije mimo ove zvanične podjele i koje nisu ovdje uračunate, a radilo se o urgentnim slučajevima. Navedene sume ili cifre predstavljaju stoga najniži brojčani obim kada je u pitanju podjela stipendija.

Stipendije koje su prije dodjele uplaćene na račun IZBNJ – njih 150 u vrijednosti od 75.000,-- € - studentima i učenicima će biti uručene dana

**srijeda, 15.10.2014.g. u 13 sati, u**

**amfiteatru Gazi Husrev-begove medrese u Sarajevu.**

Dodjela je javnog karaktera i prisustvovat će joj i predstavnici medija. Tim svečanim događajem ujedno se obilježava kontinuirani trinaestogodišnji uspješan humanitarni i plemeniti rad fonda „Gazi Husrev-beg“. Stipendije, koje nisu prijavljene i uplaćene u predviđenom roku, naknadno će se uručiti.

Mislim da trebamo biti svi zadovoljni ovim rezultatom akcije i sigurno je ovo veliki uspjeh u našem humanitarnom radu. Zahvaljujemo se našim džematlijama dobročiniteljima i imamima širom Njemačke koji su svojim doprinosima i svojim radom, trudom i zalaganjem uzeli učešća u ovoj plemenitoj i uzornoj akciji.

Dortmund, 29.09.2014.g.

Omer ef. Sarajlić

Upravitelj Fonda Gazi Husrev-beg

Islamska Zajednica Bošnjaka u Njemačkoj